

武清縣志序

距

京師東南百餘里邑於中甸曰
武清蓋古雍奴地云考周禮
大司徒掌邦教其所亟者以
天下土地之圖周知九州之地

武清縣志

序

一

域廣輪之數以土會之澹
辨山林川澤邛陵墳衍原隰之
所宜然後以十二教治五物焉
六官之篇首曰惟王建國辨
方正位體國經野設官分職
以為民極誠以由畿甸而侯而



獲而要而荒所為以土地之宜
辨五地之物生若不遺尺寸而
隸諸師粟之支縣則尤重
武清準古五制海在百里共
官之例其建官若何戶口若
何賦役田土若何與夫山林川

津邱陵墳衍原隰之之毀遷又
多何守若土若可弗熟悉而計
之歟余承乏是邑間嘗尋九
十九澱之遺跡一望曠然風沙
古壤湮淞歛廢川澤易為
原隰考諸鄴道元之所記無

有也問三沽之餉道朱清張
瑄之萬戶府而海運既罷已
四百餘年近且割三沽數十
里屬於海津鎮而府之并非
數十年前之郊坰矣訪孫
根鄧隆李忠臣之治術方畧

而輪蹄所歷亦鮮有能指其
委者邑之名家之聞人非髮
秀之老一三漢唐掌故且無從
考信他如建官戶口賦役田土其
因革異同又孰從而志之歟治
索誌文去古自遠歸然舊纂

垂四十年。縱減多不可識考。諸獻既如彼。徵諸文又如此。誰歟。司其上者不可謂非其責也。劉君德園遂於往籍多所見。聞予爰謀決邦之士。夫請董其事。而開局于三義廟。辭

重合前文件。其散謬。蒐羅補輯。為之定次。以傳信。蓋八閱月而成書。於是環邦人士觀之。其地之何時。階何時。於何時。開運何時。罷餉何時。何人來。侯不必問。之人。歷其境。

而已瞭如指數也他日采風者
開似歲輔之邑以佐


聖天子體國經野之治將於是

乎操撥焉

乾隆七年歲次壬戌孟冬穀
旦

文林郎知武清縣事如

阜平吳焯撰并書



重修武清縣志職銜姓氏

總理

知武清縣事如臯吳翀

協修

署教諭事舉人邢臺張純

署教諭事舉人棗強龍翬

訓導廣宗李挺芳

訓導清河尹廷樞

分纂

武清縣志

職銜目

一

翰林院檢討邑人曹灑

分巡山東登萊青道按察使司副使邑人趙晃

協輯

武舉邑人沙德勞

武舉邑人陳世珽

武進士邑人石瑞

揀選知縣邑人張輝斗

候推守備邑人趙憲武

貢生邑人時瓚

侯 選 州 同邑人王誥業

侯 選 州 同邑人李桓

侯 選 州 同邑人王歷

侯 選 州 同邑人邵宗賢

太 學 生邑人王之佐

太 學 生邑人李志培

太 學 生邑人王啟宗

邑 庠 生王格祖

邑 庠 生士瑗

武清縣志 職銜目

邑 庠 生李九畹

邑 庠 生趙良琳

邑 庠 生張芳

邑 庠 生沈逢吉

校字

邑 庠 生李鐸

邑 庠 生張輝簡

新梓

典 史上元楊嘉鑿

凡例

一邑志猶國史也上而分星下而疆界中而人事與夫忠孝節義之重且顯草木之微例應備書政治於是乎著風俗於是乎歸必考諸傳記而不疑訪諸閭閻而不濫方稱信筆今距前修志時幾四十年矣嗟老成之云謝慨案牘之無稽其間事實不無闕畧謹極力搜求不敢稍遺餘力差堪自信至於潤色討論又所望於後之博雅君子

武清縣志

凡例

一蠲租

諭旨疊沛頻頒

御製詩歌痼瘼民隱不有紀述
列祖之念切民生憂勤至意也

一星野沿革舊志所載未能確鑿
加考據稍較詳焉觀者幸勿厭其煩也

一舊志河渠缺畧太甚今謹考據圖書詳其源流
悉其遷變列其利害附以水利興廢之由所關
於武邑者非淺鮮也

一歷任職官例書籍貫年任有德惠及人民情愛
戴者必詳書之以示來茲現茲土者不書德
政

一現在先達自科第官闕之外不贅一詞未敢論
定也

一忠孝節義之事世所樂稱道者故必採之輿論
質之學校而後敢載至於潛德幽光耳目之所
難周者不無遺漏更俟後之採訪者

一舊志所載藝文甚夥非有關於武邑政治風俗
者茲槩不錄間有關於政治風俗而字句不醇
雅者亦從刪汰非敢立異亦慎重之意云爾

武清縣全圖

武清縣志

圖目

圖目

尾宿圖

縣境圖

縣城圖

縣治圖

學宮圖

六景圖

武清縣志
縣治圖







圖
四

武清縣志

學宮圖

圖




五



武清縣志

圖

六




古塔凌雲



武清縣志

圖

七



武清縣志

圖

八



鳳臺春曉





橋門秀水


武清縣志

圖


九



西郊花柳





奎閣燈光



武清縣志

圖




水視橋

武清縣志

圖

士



武清縣志目錄

卷之首

諭旨

宸章

巡幸

卷之一

星土

建置沿革

形勝 六景附

武清縣志

目錄

疆域

城池 坊第附

公署 倉庫附

學校 義學 生員額數附

里社

集市

卷之二

田賦

戶口

起運

存留

課程

剝船

撥補

卷之三

河渠 橋梁附

武備

秩祀 祠宇附

武清縣志

目錄

郵傳

卷之四

古蹟

寺觀

風俗

物產

機祥

卷之五

職官

卷之六

選舉

卷之七

名宦

褒封

流寓

仙釋

卷之八

武清縣志

目錄

三

人物 附內臣

卷之九

列女

卷之十

藝文 章奏 中詳條議

卷之十一

藝文 碑記

卷之十二

藝文 序 傳 墓誌 詩

卷之末

原序

跋

武清縣志

目錄

四

武清縣志卷之首

諭旨

聖祖仁皇帝

康熙八年六月十七日

諭戶部朕繼承

祖宗丕基又安天下撫育羣生滿漢軍民原無異視務俾各得其所乃愜朕心比年以來復將民間房地圈給旗下以致生民失業衣食無資流離困苦已極深為可憫以後圈占民間房地著永行停止其

武清縣志

卷之首 諭旨

今年所圈房地俱著退還民間爾部即速通行曉諭昭朕加惠生民至意至於旗下無地亦難資生應否將古北等口邊外空閒之地撥給耕種著議政王貝勒大臣會同確議具奏特諭

康熙二十四年三月初六日

諭大學士朕巡省南服見經過地方城垣圯壞者所在多有夫城垣者生民之保障所以衛吾人者也亟宜修築之其令地方官何以葺治下之工部即議取旨行焉

大清康熙八年六月十七日諭旨

康熙二十五年九月初九日

諭戶部自古帝王撫馭九有軫念民依凡鞠謀生養
爲計甚周猶以賜復蠲租爲布德行仁之要務朕
嘉與海內元元共圖樂利弛徵減賦時厯於懷惟
頻渙恩施俾萬姓得沾實惠念直隸畿輔重地天
下根本寬租之詔屢沛往年但順永保河較之畿
南諸府差役倍多供億尤劇應加軫恤又湖廣湖
南福建四川貴州地方昔年爲賊竊踞民遭苦累
今雖獲有寧宇更宜培養以厚民生應一體蠲免

武清縣志

卷之首 諭旨

二

用昭愷澤直隸順永保河四府及四川貴州兩省
所有康熙二十六年應徵地丁各項錢糧俱著蠲
免二十五年未完錢糧亦著悉與豁免除湖廣湖南
福建兩省所有康熙二十六年下半年二十七年
上半年地丁各項錢糧及二十五年未完錢糧亦
與盡行豁免爾部速行該地方遵行曉諭務使人
民均被恩膏以副朕愛育蒼生至意如有不肖有
司官役借端朦混及私行重徵者該督撫指名題
叅從重治罪如該督撫徇隱不行糾舉或經叅奏

或被告發定行一併從重治罪爾部卽遵諭行特諭

康熙二十九年正月初十日

諭戶部朕撫育黎元早夜孜孜惟厚生是亟重念積貯民之大命曾屢頒諭旨令各地方大吏督率有司於豐稔之年曉諭編氓務令多積米糧俾俯仰有資凶荒可備乃比年以來未見實心奉行閭閻蓋藏不能充裕常平積穀視等具文卽如畿輔近地偶罹旱荒民間蓄積鮮少致爲補苴之術嗣後

武清縣志

卷之首

諭旨

三

直省總督巡撫及司道府州縣官員於積穀事宜切實舉行務令戶有餘糧倉庾充牣縱遇儉歲艱食無虞以副朕愛養生民至意如有仍前玩愒苟圖塞責倘遇災歉漫無儲備者將該督撫及地方各官一併從重治罪爾部卽遵諭通行特諭

康熙二十九年二月初三日

諭內閣九卿詹事科道昨歲畿輔荒歉朕慮民食維艱或至流離道路旣蠲除其田租矣復特發帑金三十萬兩并動支常平倉粟令該撫徧行賑貸蓋

期災黎得所毋使離散也今聞通衢相近之民雖已獲霑恩澤而僻壤窮簷究不能以自存致於越鄉去土者甚衆夫小民流移若此則司牧大吏所賑救者安在耶前所發三十萬帑金未審如何散給所在人民有無轉徙應遣部院大臣往加詳察至於四方流民率多就食京師今年五城粥廠雖經倍給銀米寬爲其期但恐饑氓漸集無以遍贍罔克均霑慈惠宜增設粥廠擇各部滿漢賢能司官俾親賑焉爾等其會議以聞

武清縣志

卷之首

諭旨

四

康熙三十二年十一月二十五日

諭戶部朕念切民生時厯宵旰或在宮禁之中或經巡省之地務以編氓疾苦備悉諮詢其從各省來京陛見官員及往來奉使人等亦無不以各省雨澤曾否應時田畝有無收穫竝閭閻資生情形一一體訪此年以來因國家經費尙充遂將各省地丁額賦及舊欠錢糧節次蠲免卽從前未經停徵之漕糧亦逐年免徵總欲使海隅蒼生培固元氣庶臻於家給人足之風今歲畿輔地方雖禾稼未

獲稔收初意小民糊口之需猶足資給未必生計
遂致艱難頃者展謁

山陵沿途察訪民隱見今歲雨水過溢田畝被淹沒者
甚多穀耗不登米價翔貴又聞順天河間保定永
平四府所屬皆然目前米價既貴將來春夏之際
時值益昂小民必艱粒食此朕目所親覩若來歲
錢糧仍然徵收朕心實有未忍順天河間保定永
平四府康熙三十三年應徵地丁銀米著通行蠲
免所有歷年舊欠悉與豁除行文該撫曉諭各屬

武清縣志

卷之首

諭旨

五

務令人霑實惠以副朕子育黎元至意爾部卽遵
諭行特諭

康熙三十四年六月十五日

諭大學士近要兒渡決口及天津以南此二處其相
視河之故道可開河或達之海或達之大河者其
識之於十月間奏聞當遣人往視

康熙三十四年九月二十四日

諭戶部直隸順天保定河間永平四府所屬地方今
歲水淹傷稼三農歉收朕巡幸所至徧加諮訪聞

高阜之處尙有秋成而旱下之田被潦者多計所收穫不能相敵雖經勘災頒賑不致此傷失所而須辦錢糧若仍行徵取則民力匱乏難以輸將朕心深切不忍著將四府康熙三十五年地丁銀米全與蠲免用示寬恤其霸州雄縣香河寶坻四處皆有水道可以轉輸每處著發米一萬石各差司官一員齎往照彼地時價減值發糶以資民食著行文該撫通行曉諭俾均霑實惠副朕軫念災黎至意爾部卽遵諭行特諭

武清縣志

卷之首 諭旨

六

康熙四十三年十月初七日

諭戶部今歲直隸地方雨暘應候禾稼有秋各郡民生皆獲安恒業惟是去歲山東被災之民自冬月以迄春夏流離轉徙入順天河間境內者甚多於時設厰煮糜所在賑救因而米價至今未減誠恐近畿一路間井小民絀於生計是宜加恩寬恤用弘休養順天河間二府屬康熙四十四年應徵地丁銀米著通行蠲免該巡撫卽飭府州縣官張示徧諭務俾窮鄉僻壤均霑實惠以副朝廷優軫畿

輔黎氓至意爾部卽遵諭行特諭

康熙四十五年五月十七日

諭戶部朕宵旰圖維勤求民隱每欲敷蠲貸之恩以爲閭閻留有餘之力直隸山東地方四十二年偶遇災沴因特免山東四十三四兩年額賦並四十四年以前積欠錢糧直隸則順天河間兩府四十四年額賦亦俱豁免今雖屢年收穫民氣漸舒而所有宿逋尙應輸納朕念黎元方有起色辦賦猶艱一時新舊並徵勢難兼應宜更加寬恤以弘休

武清縣志

卷之首

諭旨

七

養直隸自康熙四十一年至四十三年各府屬未完民欠銀八萬二千七百兩有奇糧五千九百石有奇山東省康熙四十二年各府屬未完民欠銀一百六十九萬一千七百兩有奇糧五千九百石有奇或見在徵取或分年帶徵俱著通行蠲免俾小民悉除逋負之累尙應徵舊欠有見完納在官者卽准抵本年正賦諭旨到日各該撫速行所屬有司徧示曉諭有不肖官吏朦溷徵收不與開除明白者該撫卽時叅劾嚴加治罪爾部卽遵諭行

特諭

康熙四十九年十月初三日

諭戶部朕恭膺

天眷祇承

列祖鴻庥統御萬方子育兆庶履懷至治宵旰靡寧幸
際海宇同風邊隅嚮化遐邇中外帖然衽席之安
者是皆仰荷

天地

祖宗福祐之所致也方朕八齡踐祚之初

武清縣志

卷之首 諭旨

八

太皇太后問朕何欲朕對臣無他欲惟願天下治安生
民樂業共享太平之福而已迄今五十年矣惓惓
此心未嘗一日少釋每思民爲邦本勤恤爲先政
在養民蠲租爲急數十年以來除水旱災傷例應
豁免外其直省錢糧次第通蠲一年者屢經舉行
更有一年蠲及數省一省連蠲數年者前後蠲除
之數據戶部奏稱通共會計已逾萬萬朕一無所
顧惜百姓足君孰與不足朝廷恩澤不施及百姓
將安施乎朕每歲供御所需槩從儉約各項奏銷

浮冒亦漸次清釐外無師旅饑饋之煩內無工役
興作之費因以歷年節捐之儲蓄爲頻歲渙解之
恩膏朕之蠲免屢行而無國計不足之慮亦恃此
經畫之有素也比來省方時邁已歷七省南北人
民風俗及日用生計靡不周知而民生所以未盡
殷阜者良由承平旣久戶口日蕃地不加增產不
加益食用不給理有必然朕洞矚此隱時深軫念
爰不靳敷仁用甦民力明年爲康熙五十年思再
沛大恩以及吾民原欲將天下錢糧一槩蠲免因

武清縣志

卷之首

諭旨

九

衆大臣集議恐各處需用兵餉撥解之際兵民驛
遞益致煩苦細加籌畫悉以奏聞故自明年始於
三年以內通免一週俾遠近均霑德澤直隸奉天
浙江福建廣東廣西四川雲南貴州各巡撫及府
尹所屬除漕項錢糧外康熙五十年應徵地畝銀
共七百二十二萬六千一百兩有奇應徵人丁銀
共一百一十五萬一千兩有奇俱著察明全免竝
歷年舊欠共一百一十八萬五千四百兩有奇亦
俱著免徵其五十一年五十二年應蠲省分至期

候旨行民間舊欠既經豁免嗣後每年額徵錢糧務如數全完倘完不及額或別有虧空託稱民欠則負國甚矣卽責令督撫以下官員償補仍從重治罪夫地方大吏以及監司守令皆與吾民誼均休戚者也誠克體朕孳孳保赤之懷實心愛養力杜侵牟賸削則閭閻咸得衣食滋殖無有失所而爲官吏者亦身名俱泰豈非昇平樂利之盛事歟爾部移文各督撫諭旨到日卽刊刻頒布徧示窮簷令咸知悉特諭

武清縣志

卷之首

諭旨

十

康熙五十四年二月二十三日

諭直隸巡撫趙弘燮朕每年春間行幸水淀近見民生雖不能家給人足比之往時似覺差勝但村莊之中誦讀尙少朕思移風易俗莫過讀書非此無可上進况畿輔之地乃王化所先宜於窮鄉僻野皆立義學延師教讀以勉勵孝弟可望成人矣爾卽徧示莊村皆知朕崇文好學之深意特諭

康熙五十四年十月三十日

諭戶部朕早夜孜孜軫懷民瘼四方水旱時勤諮詢

惟恐閭閻之蓋藏未裕一遇儉歲收穫失望窮黎
卽無以資生也直隸順天保定河間永平宣化五
府所屬地方今歲雨水過溢田畝被淹者甚多穀
耗不登民艱粒食現今緩徵賑借雖惠澤頻施而
來春應辦錢糧若仍行徵取則民力匱乏輸將難
繼著將五府州縣康熙五十五年地丁銀八十五
萬五千八百兩零糧米豆穀一十一萬五千五百
石~~九萬四千九百束~~零俱通行蠲免爾部行
文該督徧飭所屬實心奉行俾窮鄉僻壤均霑朝
重治罪爾部卽遵諭行特諭

康熙五十五年閏三月二十二日

諭戶部朕憐民爲邦本必年穀順成家給人足乃愜
朕撫育元元之意自御極五十餘年宵旰孜孜無
論遐近地方編民疾苦必備悉諮詢設有水旱蠲
賑頻頒務講求實惠霑被羣生蓋不徒事軫恤之
虛文也直屬順永保河宣五府去歲雨水過溢穀
耗不登因全蠲額賦發米減糶今巡撫趙世

目下正當青黃不接之時順永二府米價騰貴疏請借道庫銀六萬兩委員赴乏米州縣貴買賤賣朕思閭閻蓋藏未裕本地出米無幾以銀易米恐價反致翔涌現今京通二倉積米甚多不如將舊米分發二十萬石於各州縣賑濟乏食窮黎官無轉售之勞民獲現在之米於地方大有裨益且畿輔地近京師輓運亦易著大學士等會同九卿速行詳議具奏特諭

世宗憲皇帝

武清縣志

卷之首

諭旨

三

雍正二年十月二十三日戶部奏直屬九郡豐收惟霸州七州縣田禾偶有滄損應准該撫所奏停徵奉

上諭直隸九府今秋歲登大有惟霸州東安大城武清玉田寶坻梁城所七州縣所地畝稍被水傷朕卽諭巡撫李維鈞將倉糧發賑今李維鈞奏請將七州縣所被水村莊本年錢糧緩至雍正三年麥收後帶徵但念此小民生全初遂若將今歲錢糧歸於明歲帶徵則新舊之賦輸納於一年之內物

力維艱勢難兼顧夫百姓雖登樂利猶資惠養有方爾部行文該撫著將霸州等七州縣所被水村莊雖未成災今年應徵錢糧內或應有蠲免之處詳查定議具題務紓民力以副朕軫念黎元至意
雍正四年二月十五日

諭戶部去秋北方多雨直隸所屬七十四州縣被水歉收朕心深爲軫恤疊沛恩澤加惠窮黎已將七十四州縣被災田畝之錢糧照例蠲免其餘應徵額賦又復停徵在案朕思一省之中既有七十餘

武清縣志

卷之首 諭旨

三

州縣收成歉薄則必有向隣封隔縣謀生覓食之人當此青黃不接之時閭閻豈能充裕若仍照舊徵收錢糧民力輸將未免竭蹶用是特頒諭旨施恩於常格之外將雍正四年通省應徵額賦一體停其徵收俾民力寬舒得用功於南畝以副朕勤恤民隱之至意爾部卽遵諭行

雍正六年十月十四日

諭戶部直隸爲首善之地今歲春麥秋禾俱登豐稔民人樂業朕心深慰但地方有歷年帶徵之錢糧

若令閭閻之間新舊併納雖逢豐稔之歲而民力未必寬然有餘因思歷年帶徵之項乃頑戶之所拖欠也明年額徵之項乃衆民之所輸將也若欲使小民共被恩澤惟有將明年之賦預行蠲免則比戶可以均霑查直隸額徵地丁等項二百四十三萬餘兩本地支銷俸工及兵餉驛站等項應給銀二百零二萬兩其應起運者計四十一萬七千八百九十兩著將雍正七年額徵錢糧內蠲免四十一萬七千八百九十兩爾部可確查分數行文

武清縣志

卷之首 諭旨

四

該督通行所屬州縣一體敬謹遵奉以副朕愛養黎元加惠畿輔之至意倘官吏等私自多徵朦混中飽或地棍等包攬侵蝕作弊藏奸又或有司奉行不善使百姓不得均霑實惠經朕訪聞必重治其罪並將總督司道等嚴加處分

雍正七年六月二十三日

上諭據怡親王奏河西務河堤漫開附近之田禾廬舍或有被淹傷損之處朕心深爲軫念戶部速派賢能司官帶帑銀二千兩前往悉心查勘賑濟務

令各霑實惠

今上諭旨

乾隆二年四月十八日總理事務王大臣奉

上諭今年春夏以來京師畿輔雨澤稀少而山東地方亦有缺雨之郡縣朕亦屢降諭旨多方籌畫以爲先事之備今思節近小滿甘霖未降麥秋料已失望民心未免惶懼除已經降旨緩徵外著將直隸通省今年應徵地丁錢糧蠲免七十萬兩山東通省今年應徵地丁錢糧蠲免一百萬兩俾民力

武清縣志

卷之四 諭旨

五

寬舒民氣愉暢如將來仰蒙

天祐霖雨普施秋成不致歉薄則閭閻霑朕格外之恩亦加惠元元之誼所謂百姓足君孰與不足者嗣後如得雨稽遲有妨農事則應行賑恤等事仍應加意辦理毋使一夫失所該督撫當仰體朕宵旰焦勞惠普黎庶之心督率有司敬謹奉行務使小民均霑實惠并出示通行曉諭知之欽此

乾隆四年三月二十二日內閣奉

上諭朕念切民生時屢宵旰或各省督撫陞見或遇

司道各員請訓務以編氓疾苦備悉咨詢惟期海隅蒼生培固元氣庶臻家給人足之風比年以來畿輔地方屢遇歉收而江南舊年被旱尤甚此皆朕之不德以致

上蒼示警遂使吾民有乏食之虞朕甚恤焉今幸賴上蒼恩祐各省春雨頗周足資耕種今念三省之民幸有以安其心尙未能復其舊其被災處所旣以蠲賑頻施屢頒諭旨茲當開徵之期在被災者固屬艱難而未被災之地同在一省雖有輕重之分而

武清縣志

卷之首 諭旨

去

乏食受困則一用是特頒諭旨將直隸總督所屬今年地丁錢糧蠲免九十萬兩蘇州巡撫所屬今年地丁錢糧蠲免一百萬兩安徽巡撫所屬今年地丁錢糧蠲免六十萬兩該督撫務將朕旨家喻戶曉俾閭閻均受實惠庶幾和氣致祥以仰答

上天之恩而培民生之本倘有貪官污吏借端苛索或私行徵收者該督撫不時察叅該部卽遵諭行欽此

宸章

聖祖仁皇帝

潞河三首

潏灩春波散碧漪
白蘋初葉麥初岐
潞河三月桃花水
正是乘舟薦鮒時

其二

畫鷁中流起櫂歌
參差荇藻漾晴波
澤梁雖設曾無禁
斜日魚罾兩岸多

其三

武清縣志

卷之首

宸章

七

東風吹雨曉來晴
春水高低五牖聲
蘭漿乍移明鏡裏
綠楊深處坐聞鶯

潞河發舟

青翰舟迎旭日升
官河放溜始開冰
巡行每爲求民瘼
寧避春寒曉霧凝

察永定河

源從自馬邑溜轉入桑乾
渾流推濁浪平野變沙灘
廿載爲民害一時奏效難
豈辭宵旰苦須治此河安
看運河建壩處

十月風霜幸潞河隔林疎葉盡寒柯岸邊土薄難容
水隄外沙沉易漲波春末淺夫忙用力秋深霖雨失
時禾往來踟躕臨洲歎何惜分流建壩多

春日郊行示地方官六首

警蹕幸畿南中和慰閭里千村靜路塵淑氣徧遠邇
其二

每春來此地黎庶盡安康尙德先寬政官僚勉直方
其三

春蒐省耕種莫悞農桑時假寐羨墻曙殷勤意在茲

武清縣志

卷之首

宸章

六

其四

牧民寄所重授鉞賴宣風曩昔官箴在開誠上下同

其五

平成多歷年生齒旣蕃庶惟食在天時輕徭民自豫

其六

案讀五經義遐觀四海圖緬懷洙泗訓期共樂天衢

巡幸

世祖章皇帝

順治八年冬十一月

駐蹕楊村

聖祖仁皇帝

康熙五年冬十月

駐蹕標堡村 次日

駐蹕東栢 次日

駐蹕樂城村

武清縣志

卷之首 巡幸

十九

康熙六年冬十月

駐蹕崔黃口東 次日

駐蹕西門外

康熙八年春二月

聖駕進縣東門內

詔知縣曹際飛問民疾苦隨出縣西門外進膳

康熙八年冬十月

駐蹕楊村次日

駐蹕縣城西北

康熙二十四年春二月

駐蹕王慶坨

康熙三十五年夏五月

閱視永定河口乘舟駐蹕楊村

康熙三十七年夏五月

巡幸道經武清

康熙三十八年春正月

南巡閱河奉

皇太后乘舟由武清之天津夏五月

武清縣志

卷之首 巡幸

三

回鑾乘舟由武清入都

康熙三十九年春二月

閱河道由武清夏四月

駐蹕筐兒港閱堤知縣章曾印奏准以丁字沽稅銀

三千兩爲修河費

康熙四十年春

閱河道經武清

康熙四十一年春正月

南巡道經武清三月

回鑾由武清入都

康熙四十三年冬十月

閱視新河

駐蹕筐兒港

康熙四十四年春二月

南巡道經武清夏五月

回鑾由武清入都

康熙四十五年春二月

閱視新河入海道經武清

武清縣志

卷之首 巡幸

三

回鑾駐蹕東栢村北

康熙四十八年夏五月

南巡回鑾入東門隨出西門

駐蹕許家莊進膳

康熙五十三年春三月

水圍行幸

回鑾駐蹕東馬房村

康熙五十六年春三月

閱北運河至河西務